



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 98. Ordo Fratrum Discalceatorum Redemptionis Captivorum.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

cem a Poltroto occidi jufferunt, & præ-
 ter plurima alia ejusmodi crimina Am-
 bosianam conjurationem conflarunt, in
 hoc vel maxime culpandi, quod de
 ejusmodi flagitiis palam, ac continuo
 gloriantur, omnique tempore, & occa-
 sione ad ejusmodi scelera perpetranda
 parati inveniantur, quoties ad Sectæ
 suæ conservationem detestanda ejusmo-
 di media ipsis opportuna videntur, ex
 adverso autem Catholici omnes dictan-
 te Religionis sanctitate horrendos hosce
 ausus semper, omnique tempore etiam
 in illis detestantur, qui fervente primi
 furoris impetu ad ejusmodi consilia ad-
 ulterino Zelo sese abripi permisere.

§. XCVIII.

*Ordo Fratrum Discalceatorum Re-
 demptionis Captivorum.*

Jam equidem anno Christi millesimo
 centesimo nonagesimo octavo Inno-
 centius III. summus Pontifex Fratribus
 Sanctissimæ Trinitatis Redemptionis
 Captivorum Regulam primitivam, ip-
 sumque Ordinem edito bino diplomate
 confirmabat: postquam vero temporum
 injuria, ac prævalente humana imbe-
 cillitate hi Religiosi a primo hujus insti-
 tuti fervore desciverant, nec non Re-
 gulam quoad plura capita immutari,
 atque a Clemente IV. anno salutis no-
 stræ

Sæcul. XVI.
 A.C. 1599.

Cias. tom. 4.
 pag. 266.
 Philipp. a
 SS. Trinit.
 Theol. Car-
 mel. Bullar.
 tom. 1. § 3.
 Constit. 1.
 § 65.
 Spond. hoc
 ann. n. 11.

Sæcul. XVI.

A.C. 1599.

fræ millesimo ducentesimo sexagesimo septimo mitigari petierant, eorum nonnulli arctioris vitæ studio accensi priusnam a præfato Pontifice Innocentio institutam disciplinam in omni rigore servare cœperunt, ac quosdam ejusdem Ordinis Conventus ad renovandam hanc vivendi normam reducere, simulque suum animi propositum Clementi VIII. summo Pontifici declarantes horum Reformatorem Congregationem in Hispaniarum Regnis sub uno capite egergi efflagitarunt: quapropter Papa pius eorum votis annuens, hoc anno die vigesima Augusti novum hoc institutum auctoritate Apostolica confirmabat, concessisque Ordinum mendicantium privilegiis Ministros, nec non Procuratorem Generalem eligendi facultatem impertiebatur, suo tamen in Hispania Nuntio Apostolico injungens, ut aliquem pietate, prudentia, ac doctrina insignem ex Fratribus Carmelitis Discalceatis seligeret, qui Visitatoris munere fungeretur, atque in omnium, qui hoc vitæ genus amplexi fuerint, vitam, moresque inquirens idoneos ad solemnem votorum sponsonem reciperet, ceteros vero dimitteret, nec non accedente judicio Nuntii Pontificii, aliorumque priorum virorum ex Carmelitarum Discalceatorum Ordine novas Constitutio-

Sæcul. XVI.
A C. 1599.

nes eis præscriberet: unde evenit, quod
 juxta hanc Pontificis dispositionem,
 quam postea Gregorius XV. anno mille-
 simo sexcentesimo vigesimo secundo die
 decima tertia innovabat, Reverendus
 Pater Elias a sancto Martino Theresia-
 næ Reformationis Præpositus Genera-
 lis in Visitatorem assumptus, multo-
 que tempore cum Fratribus discalcea-
 tis sanctissimæ Trinitatis conversatus
 ipsorum regimini, ac moderationi ope-
 ram navaret, illisque eadem ferme, quæ
 Carmelitis Excalceatis propria sunt,
 statuta præscriberet: ipsemet quoque
 Paulus V. Pontifex Maximus anno mil-
 lesimo sexcentesimo decimo præceperat,
 ut deinceps hi Fratres Trinitarii idem
 votum, quod Discalceatis Italicæ Con-
 gregationis Carmelitis solemne est, e-
 mittant, spondentes, quod nec per se,
 nec per alios ullum officium in præfa-
 tis constitutionibus prohibitum tam in-
 tra, quam extra Congregationem am-
 bire velint: anno autem millesimo sex-
 centesimo trigesimo quinto die trigesi-
 ma prima Augusti Urbanus VIII. Papa
 petentibus Hieronymo Ministro, aliis-
 que ejusdem Instituti Superioribus ex
 ipso Carmelitarum Excalceatorum Or-
 dine Venerabilem Patrem Simonem
 Paulum a Jesu Maria nominabat, ut
 Romanum Gallicæ nationis Conventum
 horum

Sæcul. XVI. horum Fratrum Discalceatorum Sancti-
 A. C. 1599. simæ Trinitatis visitaret. Idem quoque
 Pontifex anno Incarnationis Dominice
 millesimo sexcentesimo trigesimo sexto
 eidem concesserat, ut supremum hujus
 Congregationis Generalem eligere pos-
 sent, cui tres Provinciæ in Hispania
 totidemque in Polonia, Germania, &
 Italia subjiciuntur: illa vero in Provin-
 cia sita Parisiensis Generalis jurisdic-
 tioni subest.

§. XCIX.

Guidonis Pepuli Cardinalis obitus.

Ciacon tom.
4. p. 200.
Ferd. Ugell.
in addit. ad
Ciac.

Regnante Clemente VIII. summo Pon-
 tifice ex sacro Purpuratorum Colle-
 gio præter Andream Bathorium, de
 cujus infausta morte jam supra mentio-
 nem fecimus, nonnisi tres hoc anno vi-
 tam cum Purpura exuerunt. Hos in-
 ter primus erat Guido patria Bononi-
 sis ex pervetusta Pepulorum Comitum
 familia ortus, qui anno Domini mille-
 simo quingentesimo sexagesimo die ve-
 gesima sexta Aprilis natus pietatem cum
 literis tam liberaliter hauserat, ut dein-
 cum sacram, profanamque jurispru-
 dentiam Senis edoctus fuisset, a Grego-
 rio XIII. summo Pontifice utriusque,
 ut vocant, Signaturæ Referendarius,
 nec non Protonotarius Apostolicus, ac
 demum Apostolicæ Cameræ Clericus
 renun-